

UNIVERSITY OF LONDON 1741 D. c. 5  
I. N. I.  
DISPUTATIO INAUGURALIS MEDICA  
EPILEPSIA,

Jussu & autoritate  
Illustris & Gratosissimæ Facultatis Me-  
dicæ in florentissima Academia Salana,

P R Æ S I D E  
AUGUSTINO HENRICO  
FASCHIO, D.

Anatomi. Chirurg. & Botanices Prof. Publ.  
Archiatro & Facultatis Medicæ h. t. Decano,

*Domino, Patrono & Præceptore suo  
atatem observando,*

PRO LICENTIA

Summos in arte Medicâ Honores, Privilegia & Insignia Doctoralia,  
MORE MAJORUM solenniter impetrandi,


*publico Eruditorum examini submissa*  
IN AUDITORIO MAJORI,  
horis ante & pomeridianis,

DANIELE BOESIO,

Regiomontano Borusso.

*Ad d. XXX. Decembr. Ann. M DC LXXXVI.*

JENÆ, Typis SAMUELIS KREBSII.







## PROOEMIUM.



Tupendum & terribile naturæ pro-  
ductum sunt motus terræ. Sanè nullus  
erit, qui non ad eorum intuitum intimè  
moveatur, & terrâ tremente, tremiscat  
& ipse.

Machinâ enim ejus tam longè latèque protensâ,  
fluctuum maris adinstar, sursum, deorsum, cum in-  
genti impetu latâ, omnium ruina adest præsentissima.

Terra scilicet feracissima, sub minerali regno  
contentorum mater, principiis maximè activis foeta,  
facilè in motus horrendos insurgit, siquidem hæc vel  
vitiosè concurrant, vel minùs debitè rarefiant, exha-  
lationum subinde exitum affectantium causæ. Hinc il-  
la loca præ reliquis, juxta naturæ scrutatores, terræ  
motibus obnoxia sunt, quæ venas  $\odot$ ,  $\oplus$ , aut alterius  
oleagineæ materiæ in se inclusas habent, indicio mani-  
festo, hæc præ reliquis accendi, & motum peregrinum  
rarefactione violentâ, vel quasi tali inductâ, concipere  
posse: quod etiam per experimenta chimica varii gene-  
ris manifestum evadit.

Jam juxta microcosmi cum macrocosmo subti-  
lem analogiam, cuncta de terræ motu allata, etiam



*in corporibus animalium* evenire, præter *Philosophi* effectum *lib. 2. Meteorolog. c. 8.* ipsa, proh dolor! quotidiana testatur experientia.

EPILEPSIA namque affectus ille est, qui motibus convulsivis totum corpus humanum, horrendum in modum concutere, & non rarò ultimam labem inferre valet. Hominem verò desubito in terram prosterni, & miserè sensibus privum hinc indè agitari, quis videns non expavescat?

Hunc affectum, Illustris Facultatis Medicæ jussu, Speciminis Inauguralis loco proponere, animus est. DEUS annuat cœptis!

## CAPUT I.

### *De definitione nominali & reali.*

Q UO felicius auspiciū præsens nanciscatur Dissertatio, à nominis explicatione, utpote consuetā tractandi methodo, eandem exordiri placet. Nè verò, quæ trita aliàs sunt, operosè nimis pertractentur, pauca saltem delibasse sufficiet.

*Etymologia* Epilepsiæ desumitur ἀπὸ τοῦ ἐπιλαμβάνειν, quod *prehendere, invadere & occupare* notat. Ex quo, vel in ipso initio genius affectus hujus manifestus redditur; cū plerumque desubito, ac quasi ex insidiis, hominem nihil minus cogitantem, vel sibi metuentem apprehendat.

*Homonymiam* quod attinet: sunt, qui sternutationem usitato loquendi modo, epilepsiam parvam dicunt: *quibusdam* ægritudo in genere nomine Epilepsiæ venit: *quidam* ipsum paroxysmum tantum, quidam etiam cum eo intermedium



dium tempus seu quietis, Epilepsiæ nomine indignant: alii levissimum quemque insultum, & particulares partium convulsiones Epilepsiam vocant: Sic etiam vulgus, ubi quempiam in agone constitutum convulsionem pati conspicit, Epilepsiâ extinctum affirmat. Ab his omnibus differt exquisita & legitima Epilepsia, in sequentibus pertractanda.

Quoad *Synonymiam*, plurima occurrunt notatu digna. *Hippocrati de aër, aq. & loc. IV. 6.* audit morbus puerorum. Pueri namque & infantes ob teneram constitutionem & delicatos nervos, facile præ reliquis, insultibus Epilepticis vexantur. Sævitiâ & atrocitatem ejus considerantes *Herculeum morbum* nominabant, sive quòd Hercules eo laboraverit, teste *Aristot. sect. 30. problem. 1.* sive quòd eidem ferendo, nec Herculem ipsum sufficere, antiquitas crediderit. hinc & *magnus à Celfo* habetur *lib. 3. c. 13.* Veteribus quoque *morbis facer* dicebatur, vel ideo, quòd nobilissimam partem cerebrum occuparet; vel quòd spiritûs cujusdam malefici afflatum suspicarentur. de quâ sententiâ vid. latius *Willis de morb. convulsiv. cap. 2.* ubi conjecturam cujusdam Theologi addit, qui plures in novo testamento pro dæmoniâ habitos, Epilepticos tantum fuisse, morbiq; hujus à Salvatore nostro curationem, spiritûs mali ejectionem, sive exorcismum dici, existimat. de *morbo sacro* etiam videri potest integer *liber* apud *Hippocratem* *ωὗτ' ἡνὶς ἰερεὺς ἔστω* titulo insignitus. *Lunaticus* item *morbis* appellari solet non rarò, quòd ad *Lunæ φάσεις*, & conversiones invadat & recurat. *Comitialis morbus* olim dicebatur, eò, quòd si quis tali morbo corripereetur, comitia eadem die dissolverentur; confer. *Cels. loc. cit.* ideoque & *Soniticus* dici solebat, quòd eò correptos à comitiis arceret. Sunt, qui hodie *caducum morbum* à subito in terram casu, Epilepsiam nominant. Germanis dicitur affectus hic *die schwere Krauckheit oder schwere Noth / die hinfallende Gucht / der Jammer / das Elend.*

Expositis iis, quæ circa nomen Epilepsiæ recensenda e-



rant, jam ipsam rem aggredimur, formalem Epilepsiæ, hunc in modum subnectentes rationem:

*Epilepsia est detentio principum functionum, sensuumque, cum internorum, tum externorum, cum motu convulsivo totius corporis per intervalla repetente, ab insigni membranarum cerebri, & nervorum irritatione dependens.*

Genus seu formalem Epilepsiæ rationem assignare, res sanè videtur primâ fronte difficilis, cum tot tantique tum veterum, tum neotericorum circa hoc obveniant dissensus. accedit huc, quòd affectus hic sit maximè complicatus, & variis stipatus symptomatis, ut adeò dubius quis reddi possit, cuinam primas in assignandâ formali ratione deferat.

Ut autem *summatim* omnia comprehendamus, due sunt, quæ potissimum in Epilepsiâ perfectâ & legitimâ sub considerationem veniunt: (1) detentio functionum principum, & sensuum internorum, externorumque. (2) motus convulsivus totius corporis, per intervalla repetens.

Cum itaque in Epilepsiâ motum convulsivum totius corporis satis enormem & horrendum sæpe, primòque obvium videant tum veteres, tum recentiores aliqui, eo quàm maximè moti, illumque unicè attendentes, omnem quasi paginam absolvere, & Epilepsiæ rationem formalem constituere affirmant.

Addunt porrò convulsionem in omni esse Epilepsiâ, non verò item functionum principum & sensuum detentionem, quod ex praxi ceu notum allegant: quale exemplum etiam habetur in *Ephemer. Germ. ann. I. decur. 2. obs. 124.*

Verùm facile omnes circa hæc difficultates evitari possunt. Dicimus nimirum, in perfectâ Epilepsiâ ad detentionem principum facultatum, sensuumque in- & externorum primariò esse respiciendum. Motus verò rationem quod attinget, is, cum non continuus sit, sed per vices recurrat, adeoque affectum non semper comitetur, tantum secundariò considerari meretur, quique Epilepsiam ab aliis affectibus, in



in quibus itidem principum facultatum & sensuum adest de-  
tentio, discriminat.

Quod verò de integritate sensuum & functionum di-  
ctum, id quoque in motu obtinere certum est; non enim is  
in omnibus Epilepticis deprehenditur convulsivus. exem-  
plum tale refert *Celsus lib. 3. c. 23.* Pertinet huc Epilepsia in-  
terna, quæ non nisi à posteriori, livore in corpore post  
mortem relicto, signatur, quod in infantibus solenne est.  
Attendi etiam hoc loco meretur distinctio in universalem &  
particularem, in mitem & fortem Epilepsiam; in primâ (quæ  
hujus loci est) omnes abolentur functiones, non item in  
secundâ, ubi hæc, vel illa saltem functio lædi potest, alterâ  
salvâ manente.

## CAPUT II.

### *Subjectum proponit.*

**S**Ede morbi probè perspectâ, felicius hinc in notitiam  
& curationem ejus pervenire quemque posse, autor est  
*Celsus l. 4. c. 1.* hujus itaque vestigiis insistentes, de ra-  
tione subjecti jam erimus solliciti.

SUBJECTUM PRINCIPALE est *Cerebrum, quoad mem-  
branas & nervos affectum.* Cum enim facultatis animalis fun-  
ctiones læsæ appareant, meritò cerebrum, ut fons & autor ea-  
rundem accusandus venit, de quo vid. *Gal. l. 3. de loc. affect.  
cap. 5.* Afficitur verò idem potissimum secundum membra-  
nam tenuem, per totam ejus substantiam coextensam, præci-  
puè autem circa ventriculos, & per basim cerebri, ubi princi-  
pium nervorum suam sumit originem, distributam; hæc enim  
vellicatâ, concutitur cerebrum totum, & reliqua Epilepsia  
exsurgunt *Πανόρρηα*. Nec nervi excludendi: noxa siqui-  
dem membranæ huic communicata, porrigitur ad nervos.  
*membranas verò plexibus nervosis unice & apprimè gaudere, vid.  
sect.*



sect. 4. cap. 1. *Physiol. Med. Magnifici p. t. Academiae Rectoris, D. D. Wedelii, Consilarii & Archiatri Saxonici, Patroni, Hospitis & Promotoris mei, debito observantia cultu gratissimo pectore, per aetatem, devenerando.*

Cumque *modus*, quo Subjectum seu pars afficitur, duplex sit : Per *Essentiam*, & per *Consensum*; applicare hæc huic scopo jam placet:

Per *Essentiam* laborare cerebrum in Epilepsiâ dicitur, quando proprio in sinu fovet malum, neque ab aliâ quâpiam parte idem accipit: tales morbi sunt velut incolæ, partem robore suo destitutam comitantes.

Per *Consensum* Epilepsiâ dicitur, quando non tam proprio vitio, quàm aliunde deductâ materiâ vaporosâ & elasticâ, vel magis positivâ, tanquam ex foco cephalico afficientis, ut vocat acutissimus *van der Linden in Melet. Med. Hipp.* cerebrum impetitur. Secundum hæc verò aliorum opiniones circa subjectum epilepsiæ æstimandæ & judicandæ sunt; veluti *Quercetani in tetrad. affect. cap. c. 8.* non cerebrum, sed Cor pro primario subjecto epilepsiæ haberi, statuëntis; ut alios, ventriculum v. g. accusantes non memoremus.

Et ut singula circa subjectum exhauriantur, placet hic quoque ad illustrandum jam dicta, adducere locum ex celeberr. *Willisio de morb. Conv. cap. 2.* ubi *spiritus animales cerebri incolas, primum & immediatum Epilepsiæ subjectum* ponit. Quæ sententia optimè ferri potest & meretur, siquidem spiritus & membranæ simul attendantur. Quod enim aliàs sanguinem & cor, tanquam causas socias pro uno stare dicitur, idem quoque & hîc obtinere certum est; cum neque spiritus absque membranis, nec membranas sine spiritibus pathologiam cerebri constituere, ratione in subsidium adhibitâ, affirmari possit.

SUBJECTUM ADÆQUATUM Epilepsiæ sunt *totum corpus & muscoli.* Totum corpus horrendo aspectu hinc inde concutitur cum brachiorum & aliarum partium motu extensivo satis forti & manifesto. *Musculi* item motu inordinato citantur, &



& versùs suum principium, ubi juxta Anatomicos, maximè *Isbrandum de Diemerbræck in anat. lib. 5. c. 2.* nervi est insertio, trahuntur, moventurque variè. Siquidem perpetuus consensus inter nervos & musculos habetur, illisque insigniter irritatis, etiam his facilè noxa infertur.

## CAPUT III.

### *Causas examinat.*

**D**E causis epilepsiæ dicturis, ante omnia maximè perpendendum venit, fieri nonnunquam motus convulsivos à solâ causâ evidenti externâ, nullâ præviâ dispositione. Sic punctura nervorum & tendinum etiam levissima visa, brevè ad convulsivos motus irritat corpus. Verùm hæc & similia ad præsens propositum minimè quicquam faciunt, cùm tantùm leviores & citò transeuntes sint spasmi. Alio longè modo graviores in epilepsiâ paroxysmi, altiores causas agnoscentes considerantur.

CAUSA IMMEDIATA & PROXIMA Epilepsiæ perfectæ, est *vellicatio concussoria* cerebri, ab insigni ejusdem fibrarum membranacearum & nervosarum *irritatione* dependens. irritatis namque membranis, cerebrum concuti, necessum est.

CAUSA MEDIATA PROXIMIOR, per quam immediata prior determinatur, præeunte *Magnif. D. D. Wedelio*, assignatur *ichorescentia humorum fermentifica, principaliter lymphæ, adequatè sanguinis, magis vel minus peccans.* Ichorescentiam hanc dicimus fermentificam, ut vel verbo innuamus Epilepsiæ ætiologiam. Fermentatio siquidem seu motus intestinalis particularum heterogenearum hoc loco concipi potest & debet in humoribus; hanc enim clavè adhibitâ, facilè panduntur & in apricum prodeunt reliqua. Nimirum ex fermentatione hanc præternaturali & peregrinâ lymphæ v. g. (quæ magis præ sanguine attendi debet) illicò elicitur *vis*



*elastica, vaporosa, Sino-Δea, peregrina*, partibus cerebri membranosis & nervosis inferri apta nata. Elastica proinde & vaporosa hæc, magis accessione Δris biliosi, & à statu blando naturali abeuntis, talia reddita, tum suâ naturâ, tum ratione partis affectæ specialis, siquidem partibus cerebri & nervorum membranosis respectivè primariò vim suam inferant, magis irritativa & displosiva redduntur. Sub elastico & peregrino hoc motu, Sia acria & acida volatilia necessariò attendi merentur, quippe hæc modum agendi patefaciunt, gradumque magis vel minùs intensum innuunt. His omnibus velificantur *spiritus* intimè sibi intermixti. quò enim excrementum est spirituosius, eò major efficacia, majorque vis elastica, explosiva, irritans conspicitur.

Cuncta hæc potissimum in sero seu lymphatico humore, quæque ad naturam ejus, seminis v. g. propius accedunt, fieri, est manifestissimum. Serum namque est vehiculum omnium humorum, tincturasque adeò, & affectiones horum imbibit. Hinc vector Sium acidorum, vector Δ peregrini, verbo: serum bilioso-acido caractere signatum, fermentificum est & elasticum. Recipit namque lymp̃ha hæc *μίσματα* varia, eaque cum spiritibus animalibus, ob innatum sibi cum iis commercium & consymbolismum, communicat.

Singula hæc ut magis exprimantur, audiamus *Willisium* circa motûs rationem *cap. 1. de morb. Convuls.* philosophantem: *Spirituum*, inquit, *fibras musculo intertextas incolentium particulis spirituo-salinis, alias diversi generis particulas, à sanguine arterioso, inter easdem fibras ubique interfluo, Sino-Δeas accedere, illisq; intimè accrescere: dein quoties particule utriusq; generis, velut M & Δ combinata, propter motûs instinctum per nervos advectum, tanquam à fomite igniario commoventur, protinus ab invicem elise & velut explosæ, musculum subito inflant. proindeq; tractionem validissimam efficiunt.* Mechanicam hujus rei ex auro fulminante & aliis præparationibus chemicis, ubi explosio & detonatio à rarefactione Δris cernitur, desumit.



desumit. Hinc ex hypothefi fuâ copulam explosivam à fe loc.  
cit. nominatam explicat in fequentibus: particulas heteroge-  
neas & valde explosivas fpiritibus in hac, aut illâ corporis regio-  
ne agentibus accrefcere fupponimus: deinde ex iniquâ hac combi-  
natione, & irrequietâ hujusmodi materiæ & fpirituum collisione,  
crebras vehementesq; explosiones editas, paroxyfmos  $\omega\alpha\sigma\mu\acute{\omega}\delta\epsilon\iota\varsigma$   
inducere.

Alii causam hanc mediatam proximiorē explicaturi  
*odores subtiles, acres, malignos* accusant, qui non tantum tex-  
 turam spirituum immutare, sed etiam explosivas, acres parti-  
 culas spiritibus suffundere, & motum irregularem producere  
 valent. ut enim odores svaues spiritus reficiunt, ita mor-  
 bosi iidem, eos mirum quantum lædunt. Ex hoc fundamen-  
 to quoque *Helmont. in tr. imag. ferment. impragn. mass. sem. §.*  
*17. epilepticum inquit odore cadere, simulque ipsis odoribus eri-*  
*gi posse.*

*Verum* quod attinet Willisii assertum, illud hætenus dicta illustrat. quamvis specifica illa mixtio quoad  $\Theta$  &  $\Delta$  in spiritibus adhuc dubia videatur, neque accuratè determinari possit.

Quoad odores verò illi sanè ichorescentiam humorum fermentificam ac elasticam explicant, cùm in eâdem unicè fundentur. Argumentum hujus rei peti potest ex chemicis: per fermentationem siquidem laxantur pori Aëris, cujus partes hinc resolvuntur, attenuantur, volatilifantur, rarefiunt & expanduntur. de quo latiùs agit *Magnif. D. D. Wedel. in Pharm. Acroamat. lib. 1. sect. 3. cap. 2.* Principium autem odorum, quòd ex hoc loco derivari possit, dubium non est. omnis scilicet odor præsupponit exhalationem debitam: hinc omnia illa odorem de se spargunt, quæcunq̃e ☉e volatili oleoso, seu cum sulphure commixto, illudq̃e rite expandente, sicq̃e exhalationem adjuvante, magis vel minùs pollent. Vid. *laudat. Dn. Wedel. in Physiol. Med. sect. 4. c. 4.*

CAUSÆ MEDIATÆ REMOTIORES, quæ proximiores vel ci-  
tant, vel ad agendum disponunt, ut evadant causa imme-



diata, sunt variæ: *Naturalium*, *Non-naturalium*, & *Præternaturalium* nomine, Medicis venire solitæ.

Ex *Naturalium causarum* classe, primò considerandum venit *Temperamentum*. hoc pro vario statu feri & sanguinis, variè etiam ad epilepsiam generandam concurrit. Sic calidum humores attenuat, atque ad acredinem & falsedinem, accedente præprimis sicco temperamento disponit. Frigidum idem si sit, acidorum & putridorum humorum autor evadit.

*Idiosyncrasia*, seu individualis cerebri dispositio juxta jam dicta æstimanda venit.

*Hæreditaria dispositio* maximè solennis est in hoc affectu. Dantur enim familiæ integræ, quibus epileptici insultus hæreditario velut jure connascuntur. Id ipsum verò fit ob seminum & characterem semini & sanguini, adeoque archeo ipsi (unde archealis morbi nomen fluxit) intimius impressum. Habent scilicet & morbi sua seminia, in fermento salino-sulphureo consistentia. Hoc fermentum licet aliis particulis involutum aliquamdiu in corpore tenello, vel etiam provectioris ætatis lateat, nihilominus tamen successu temporis *δυνάμεις* suas exerit, atque hinc humorum beneficio epilepticæ dispositionis seminia exfuscitat, donec ipse tandem affectus consequatur.

*Ætas* infantilis, & quæ ad hanc propius accedit, epilepsiæ malo magis obnoxia est. Ut enim tertia pars adultorum feбри, ita epilepsiâ tertia pars infantum, ob fibrarum nervearum molliorem texturam moritur. Hinc in infantum plerisque affectibus, sive dentiant, sive tussiant, morbillis & variolis corripiantur, sive vomant, sive tormina aliaque patiantur, semper altero oculo affectus, altero convulsivi motus, juxta Practicorum monita, sunt respiciendi.

*Sexum* quod attinet, mulieres & virgines, quæ beneficium naturæ menstrua obtinent, minus respectivè huic malo obnoxia esse, rationi est consentaneum. materia quippe, quæ fovere posset Epilepsiam, hoc pacto aliò exitum affectat.

Ex



*Ex Non-naturalibus Aër* primò se offert ; hic cùm variorum existat vector miasmaturum, pro vario communicandi cum corpore modo, variè afficit humores & spiritus. In specie *quoad partes anni* considerari meretur idem. sic verno tempore Comitiales morbos oriri, extat *III. aph. 20.* itemque autumnali *III. aph. 22.* Hyeme molestissimæ, diuque durantes obtingunt epilepsiæ. Æstate, temperato præprimis aëre, minùs respectivè proventus epilepsiæ metuendus venit.

Spectat huc maximè, ab *astrali influxu* mutatus aër ; hic cùm interpres communis sit inter spiritus, lympham & astralem alterationem, meritò etiam hoc nomine hic attenditur. videri hanc in rem latius potest *Mæbius in Epitom. inst. Med.* Famosa in primis Epilepsia est, ordinariè circa novilunium, suum in corpus exercens dominium : quin datur eadem ad singulas Lunæ quadras recurrens. Exemplum talis periodicæ Epilepsiæ instar omnium præbet Virgo nobilis epileptica à *Magnif. Dn. Wedelio in Eph. Germ. ann. 2. decur. 2. obs. 148.* adducta. in hac præter alia, observabatur paroxysmus priores duos menses circa novilunium, hinc subsequenti tempore singulis lunæ quadris repetens, tam exacto calculo, ut ipso momento quadræ lunaris, & insciâ sæpe penitus hujus mutationis in cœlo ægrâ, rhythmum lunarem explicaret, præcipuè verò circa novilunium. Ex hoc fundamento etiam in novilunio natos imbecilles, & ad epilepsiam magis dispositos, pronunciant Astrologi. quod ipsum Eclipsi lunari quoque adscribi solet.

*Cibus & Potus* quantum hic valeant, neminem latet, qui alimentorum qualitates sanguinem penitus æmulari cognoverit. Potest verò in iis vel quantitate, vel qualitate, vel utendi modo peccari. Sic præter excessus varios & utendi modos irregularès circa cibos, memoranda sunt, quæ crudos humores, acidos, acres causantur : esus scilicet fructuum horariorum intempestivus, lactis & saccharatorum nimia ingurgitatio, allium, sinapi & reliqua acrioris succi immodicè ingesta. Ex potulentis vinum, præcipuè nigrum quodque mi-



nus dilutum est, in hoc morbo pridem damnavit *Aristot. lib. 7. hist. animal. cap. 12.* De quodam, qui ex ebrietate aphonus, convulsus mortuus est, refert exemplum *Balduinus Renss. in Epist. Med. 12.* Sic senem, senili lacte seu vino, ætatem uberius rigantem, epilepticum factum, refert *Heer. in obs. med. 24. pag. 278.* Idem etiam valet de aliis potulentis, siquidem excessus deprehendantur.

*Somnus & Vigilia* si excedant, morbosa evadunt. *Somnus*, præsertim meridianus, caput replendo : *vigilia*, exsiccando & adurendo humores, concurrunt.

*Motus & quies* si sint immoderata, non extra omnem culpam manent. Ille enim humores crudos, antequam coquantur, ad viscera & caput amandat: hæc verò humorum debitam ventilationem inhibet, hincque corruptionis variæ auctor fit.

*Excreta & Retenta*, non debito modo se habentia, ad affectum hunc producendum non parum faciunt. Sic solennes esse solent epilepsiæ ex retentione mensium provenientes. Huc hæmorrhoidum, seminis, □æ, aliorumque humorum suppressio referenda. Ex excretionem item retinendorum epilepsiam, vel motus saltem convulsivos fieri, non est absolum. quare ex V. S. nimia, ex profusione seminis à se intempestiva, eosdem accelerari posse, concluditur.

*Animi perturbata* si modum excedunt, sanè uberrimum proventum magni huius affectûs afferunt. Ira, ob commotionem bilis epilepsiam inducere valet. Lucubrationes ad mediam noctem sæpius institutæ, idem præstant non rarò. Terror, ut in genere desubito prosternit, ita in specie pueris per jorum incussus, epilepticos eosdem reddit: puella ab ebriis duobus ad stuprum sollicitata, in epilepsiam ex subito terrore & animi consternatione incidit gravissimam, notante id *Heerio in obs. cit. p. 274.* Intuitus per manus carnificis in areis publicis intereuntium, quibusdam esse solet funestus, sexui præcipue sequiori. Notabile est exemplum cujusdam in *Ephem. Germ. ann. 2, dec. 2. obs. 149.* qui in templum vel curiam progrediens, cum



cum obvium sibi aliquem conspiceretur, illico motibus convulsivis infestabatur. dum obvelatâ facie neminem præterentem conspiceret, nihil tale experiebatur.

*Causæ Præternaturales* denique dantur variæ: sic vulnera capitis, præsertim cum fracturâ cranii, ob stagnantes, & variè corruptos humores epilepsiam, motusque convulsivos sæpe inducunt. quale exemplum ante 4. circiter annos, Regiomonti Boruss. in viri primarii filio videre licuit. Abscessus interiores capitis idem præstant. In dentitione difficili minimè immunes sunt infantes ab hoc affectu. Variolæ & Morbilli sæpe prænuncios agnoscunt motus convulsivos. Sic etiam in Dysenteria, lethales aliquoties convulsiones observavit D. D. *Wedelius*. Huc referendi sunt vermes, calculi, febres, lochia corrupta, aliaque plurima mala, hic non latius memoranda. Placet tamen ex *analectis* D. D. *Præsidis*, *Patroni observanter colendi*, his adnectere observationem singularem de catellâ epilepticâ. quæ sive ad iracundiam per verbera commota, sive per excursions nimium agitata, paroxysmo corripiebatur verè epileptico, convulsa in omnibus corporis articulis, oculis retortis & spumascentibus labiis; ad tempus detenta, tandè ad se redibat, hilaris & agilis. Causa hujus invasionis per anatomen detecta fuit ossiculum, quasi laminatum, scutiforme, ad pollicis articulum magnitudine suâ accedens, inter cerebrum & cerebellum meningibus & vasis profundè satis & arctè finibus suis aculeatis, intricata, quibus ad motum sanguinis vehementius excitatum eosdem puncturâ lancinavit, epilepticorum horum insultuum mater.

## CAPUT IV.

### *Differentias delineat.*

**D**IFFERENTIAS affectûs hujus assignare haud erit difficile, causis imprimis probè perspectis. Ut autem pateat, ad quamnam classem quævis species referenda sit, locos è quibus singulæ desumi possint, breviter assignare lubet sequentes:



*Ratione Generis* : alia Epilepsia est perfecta & universalis, alia imperfecta & particularis : porro alia magna, alia parva : fortis item, & debilis : quædam ordinata, statis temporibus ut novilunio, vel certis Dæ quadris afficiens, quædam inordinata.

*Ratione Subjecti* : datur Epilepsia ante, circa, & post pubertatem eveniens : quædam itidem est idiopathica, ex domestico cerebri vitio ; quædam sympathica, aliunde, tanquam ex foco prodeunte causâ morbificâ, ut utero, hypochondriis, partibus externis. Ex pede prodeuntis epilepsiæ exemplum vivum habetur, à *Magnif. D. D. Wedelio* aliquoties per discursus communicatum : puella nimirum rustica, singulo mane hora 9. ante meridiem, auram ex dextro pede adscendentem sentiebat, hinc caput pluribus vicibus in gyrum agebatur, quo quiescente, mox pes dexter eodem modo in circulum agitabatur, hinc denuo caput, inde iterum pes, constante tamen ratione & stante puellâ, donec aurâ in pede manente, tristis paroxysmus intermitteret. Similem per consensum à manu epilepsiam recenset *Nicolaus Chesneau Observ. lib. 1. c. 4, p. 103.*

*Ratione Cause* : hæreditaria alia est, alia acquisita : quædam ex internâ causâ, quædam externâ ut contusione capitis, produciuntur.

*Ratione affinium morborum* : Epilepsia, motusque convulsivi differunt à Convulsionibus, seu appropriato magis vocabulo *Conductionibus*, *Lindano in Patholog. med.* dictis, nimirum *emprosthotono, opisthotono, tetano, cinismo, trismo, strabismo, priapismo, satyrismo.* In his enim juxta eundem, loc. cit. musculorum uno pluribusque contractis, membrum velut quodam rigore detinetur : in illis autem membrorum unum, aut multa, jactatione aut magnâ vexantur, aut continuâ agitantur.



17.  
CAPUT V.

*Signa tum Diagnostica tum Pro-  
gnostica recenset.*

**D**E signis DIAGNOSTICIS dicturis attendendum in genere venit, ea non in omnibus epilepticis eodem semper modo concurrere, sed nonnulla in his, nonnulla in aliis magis attendi, pro variâ variorum dispositione.

*Imminentis Epilepsiæ* signa sunt sequentia : oculorum caligo : scintillæ iisdem obversantes & interdum nubeculæ : tinnitus aurium : odorum foedorum perceptio : stridores dentium, minùs antea consueti, præsertim in somno obtingentes : lassitudo totius corporis : tremores membrorum : memoriæ debilitas : anxietas : somnus interruptus : incubus : insomnia terrifica : capitis dolor, ejusque gravitas : sternutatio frequens : □ tenuis, livida : præ reliquis verò vertigo id singulare obtinet, quòd sæpius continuando, haud rarò epilepsiæ prodromus evadat.

*Præsentem Epilepsiam* ex his cognoscere licet : subito nimirum & cum impetu in terram prosteruntur ægri, sensuque & intellectu orbi variis motibus hinc inde agitant corpus : capite, dorso, brachiis & pedibus quævis obvia, ut parietes, terram, strataque concutiunt & pulsant : oculi pervertuntur : dentes constringuntur, ut sæpe linguam præmordeant : spumam ex ore mittunt, eamque aliquando foetidam, & instar loturæ carnis apparentem ; qualis deprehendebatur in virgine nobili superius adductâ : digitos coarctant, pollicem in manu abscondentes, & ad volam retrahentes : vocem inarticulatam & sonoram edunt, quæ aliquando penitus intercipitur : respiratio adest difficilis : □, fœces alvi, semen ipsi involuntariè excernitur : imò prægnantes si corripiantur epilepsiâ,



psiâ, foetus exclusio simul, vel abortus accidere potest, quod quidam Medici observârunt.

*Signa Subjecti*, an essentialis, an sympathica sit affectio, facile conijcere licet. Sic si cerebrum accusetur, attendenda sunt: capitis debilitas, ejusque dolor, inprimis continuatus, subita invasio absque præviis symptomatibus, aliaque. Sympathica epilepsia, seu per consensum afficiens, ex propriis partium reliquarum, ut uteri, hypochondriorum, intestinorum, ipsarumque externarum partium symptomatibus elici potest.

*Signa Causarum* satis obvia sunt, si perpendantur illa, quæ prægressa sunt, & disponere causam proximiorē quovis modo potuere.

Expositis signis diagnosticis, ad PROGNOSTICA transeundum.

*Salutis & mortis eventum* quod spectat, nemo hunc affectum periculosissimum negaverit, quod cerebrum, regimen illud sanctius & cancellaria microcosmi infestetur. *Incurabilis* verò respectivè vel difficilior curatu illa præcipuè habetur epilepsia, quæ hæreditario velut jure connasci solet: hinc illa quæ subitò, & validissimo cum motu ingruit, cum spumâ copiosâ, & feminis ac excrementorum profusione, dentium stridore & stertore insigni, maximum periculum innuit: In senibus, ut & post 25. annum difficulter curatur, & ut plurimum *ἔυναποθνῴσκει*: gravidis superveniens mala est: hyemalis contumacior æstivâ: per idiopathiam epilepsia difficilior curatu est: *Benignior* contrâ ea habetur, quæ per consensum fit, & parum durantes licet frequentes, exhibens paroxysmos: epilepsiam puerilem febris, ulcera, scabies, pustulæ excipientes, solutionem plenariam ut plurimum notant.

*Tempus eventûs*, quo epilepsia decursûs sui intuitu consideratur, eleganter exprimitur in *V. aph. 7. Quibuscunq; morbi comitiales ante pubertatem fiunt, transmutationem habent, quibuscunq; verò 25. annos natis fiunt, his plerumq; commoriuntur.*

*Modus eventûs ad salutem*, vel integram notat solutionem superatâ causâ morbificâ, naturæ vel medicamentorum ope:



ope : vel permutationem in alium morbum levio- rem, ut paralyfin, melancholiam, vel juxta *V. aph. 70.* in *quartanam.* ad mortem terminatur omnimodâ virium resolutione & suffocatione.

## CAPUT VI.

### *Methodum medendi generalem exponit.*

**P**Erpenſis hætenus, quæ ad cognitionem hujus affectûs faciunt, ſupereſt, ut jam ea addantur, quæ ad debellandum hunc hoſtem peregrinum, maximèque vitæ inſidioſum, ſua ſuppeditant præſidia & remedia. optimè verò eadem ſecundùm methodum medendi ex tribus petuntur indicationibus, ſcilicet: **CURATORIA, PRÆSERVATORIA ET VITALI.**

*Curatoria* affectum ipſum, ejusque cauſam, præſertim verò tempore paroxyſmi reſpicit, quem quovis modo vel penitus proſtigare; vel ſaltim inordinationes ſpirituum compescendo, levare ſatagit.

*Præſervatoria* extra paroxyſmi tempus locum obtinet, fermentumque acidum, bilioſum, elæſticum, ichoroſum, hîc, illic latitans extirpat, revellit, derivat, evacuat, novamque acceſſionem prohibet, partisque mandantis & recipientis intemperiem corrigit.

*Vitalis* denique cùm totius, tum partium, inprimis cerebri robur reſpicit, medicamentis ſcopo expetito aptis.

Materia verò præſidiorum ex triplici uſitato remediorum deſumitur fonte: **CHIRURGICO PHARMACEUTICO, ET DIÆTETICO.**



## CAPUT VII.

### *Curationem in paroxysmo adducit.*

**I**N paroxysmo ipso auxiliis externis præ internis locus est. os enim cum dentibus arctè constringitur, ut minùs via pateat intro assumendis: limitandum tamen id est pro, mi-  
tiori vel graviore statu.

Ingruente ergo paroxysmo, ad duo respiciendum est: primò ad symptoma ipsum; hinc ad causam.

Ad *symptoma*, facultatem scilicet læsam animalem re-  
commendantur clamores in aures, vellicationes, frictiones  
plantarum pedis, cervicis & dorsi, sive cum spiritibus nervinis,  
sive aliis oblatis, ut pannis asperis, pro circumstantiis loci, & ali-  
orum. porrò teneatur æger ab adstantib9 capite & pectore non-  
nihil elevato ad faciliorem respirationem procurandam; & si  
quid in faucibus hæreat, eximatur. abdomen simul leniter com-  
primatur; neque tamen brachiorum & crurum motus in  
totum cohibeatur, materiæ siquidem discussio hoc modo  
impeditur, & paroxysmus protrahitur. Pollicem solent è  
volâ manûs retrahere, quod eam cautionem exposcit,  
nè vis inferatur debito major. Maximè verò curandum, ut  
demulceantur partes membranosæ & tendinosæ, seu actu ex-  
stimulentur ac tendantur, seu spiritus inordinatos dispensent  
& foveant, seu accessum ad nervosum genus magis promo-  
veant. hunc in finem commendantur emollientia & nervina  
ex *pingued. hum. tax. vulp. ungu. nervin. pingued. castor. o o succin. formic. ⊖ \*ci, ∇ apopl. &c.*

*Causam* respicientia varia commendantur. sic commodè  
illinitur spina dorsi ~ *succin. formic. ⊖ \*ci.* Non minùs ad  
bregma, umbilicum, nares & linguam eadem ~ *osa & balsami-  
ca* utilissimè adhibentur, quorum exemplum instar omnium  
præbet ∇ *apoplect. ess. castor. vel ~ cu ⊖ \*ci* acuata. Sic etiam  
commissuræ futuræ coronalis commodè illinuntur o o *rut. cum  
castor.*



*castor.* imprægnato, &  $\odot$  *nuc. moschat. expresso*, subactio. Non inconcinne etiam  $\nabla$  *apoplect. frigida* faciei insperguntur.

Si malum in ventriculo hæreat, *vomitibus* quoquo modo ciendi sunt, ut in tempore excutiat fomes tam horrendi affectus. infans unius anni juxta *B. Rolfin.* in *meth. cogn. & cur. aff. cap. partic. diff. 7.* lac fugens è mammis maternis, fortè ab externo aëre refrigeratis, confestim epileptico iusultu cum strangulationis signis manifestis corripiebatur, à quo vomitu spontaneo lactis hausti statim liberabatur.

Si stupor adfit, & fortiori paroxysmo detineatur æger, excitandus est archeus per *clysteres* acres.

Ad *V. S.* in paroxysmo minimè deveniendum; nisi vel sanguinis copia, vel suppressio aliqua summè urgeat. *Ligatura, cucurbitula, cauteria* actualia & potentialia, pro re natâ, usum aliquem habent, causâ morbificâ in certâ quâdam parte hærente. Sic *cucurbitula magna* cum multâ flammâ præviâ scarificatione pro partis ipsius conditione cum fructu adhibetur. cavendum tamen præcipit *Roder. à Castr. lib. 2. de morb. mul. c. 2.* nè in epilepsiâ uterinâ id fiat supra umbilicum.

## CAPUT VIII.

### *Curationem extra paroxysmum exhibet.*

**C**HIRURGIA in hoc gravi affectu, generosa sua supeditans remedia, primò se commendat.

*Vena Sectio* in vere præprimis instituta, cæteris paribus, urgente sanguinis copiâ, & suppressionibus varii generis convenit. mittitur verò sanguis in artubus superioribus & inferioribus; sic si plenitudinis adfit nota, bene brachii venæ aperiuntur, itemque frontales, & raninæ, oculis & facie præsertim rubentibus. In sympathicis epilepsiis commodissimè pro re natâ secantur venæ in pede, sic si adfit,



suppressio evacuationis solitæ v. g. mensium, fausto sæpe successu vena saphæna, vel alia in pede aperitur. idem quoque ad hæmorrhoides obstructas deducendum, quo in casu etiam eadem aperiri queunt.

*Arterias temporum sectas* epilepsiam in juvene 25. annorum levâsse, testis est *Severinus in chir. efficac. part. 2.* quod tamen ad graviores casus tantum extendendum est.

Vicariam operam horum præstant nonnunquam in delicatioribus *cucurbitula scarificata*, itemque *hirudines* debito modo applicatæ.

*Vesicatoria* egregium in epilepsiâ præbent usum, sive sit essentialis, sive per consensum talis. in priori, nuchæ, bregmatici, & brachio applicantur; in alterâ verò parti mandanti eadem admoventur. Sic *Magnif. D.D. Wedelius* in puellâ epilepticâ, ex pede auram in caput tendentem sentiente, prius quam malo corriperetur, vesicatorii usum cum successu commendaverat. Consultum ut aliàs, ita etiam hoc loco videtur, ulcusculum ad plures dies, ad ichoris profluvium continuandum servare apertum, quod optimè fit cum emplastro refrigerante, v. g. de spermate ran. refractâ dosi cantharidum roborato: hoc enim modo ad 12. nonnunquam dies ulcusculum, non sinè insigni *Ἐφεστία* servatum, vid. jam laudati *D. D. Wedel. Amæn. Mat. Med. lib. 1. sect. 2. cap. 6.*

*Fonticuli*, ut in pluribus affectibus à lymphæ vitio oriundis unicè solatio sunt. ita & in hoc affectu ad evacuandam sensim ichorosam materiam, summè commendantur.

*Setacea* cum trahant & derivent materiam peccantem, eamque simul eliminant, usum habent non contemnendum in epilepsiâ essentiali, præsertim contumaci. Sic testatur *Gvilielm. Fabric. cent. 1. obs. chirurg. 41.* se juvenem quotidie epilepsiâ laborantem & *cent. 4. obs. 81.* simili modo puellam 18. annorum ab ipsâ infantiâ epilepticam, solo setacei usu restituisse. In epilepsiâ tamen, quæ fit per consensum, abstineri debere à setaceis *Rondel. Lib. 1. meth. cur, morb. c. 36.* præcipit; nisi essentialis tractu temporis reddatur eadem.



**PHARMACIA** quæ suppeditet remedia, ad varias circumstantias addenda, selectu instituto, lustrabimus sequentia.

Offerunt verò se in ipso initio *Lenientia*, primas vias ab infarctu vitiosorum humorum liberantia. commendantur hunc in finem inprimis *Pilul. aloët D. Wedel. polychrestæ*, *Crem. & Cryst. ♀ s. & ♂. ♀ Olat. s. & Daris, R ♀ s. & ♂ta, extract. fol. senn. pulv. laxat. vegetab. anim. Rhab. ♂iat. pulp. de tamarind. ex quibus variæ adaptari possunt formulæ, additis appropriatis, diluendi & aperiendi virtute conspicuis.*

*Clysteres* si usus exigat, ex emollientibus, purgantibus & resolventibus adaptari possunt.

*Præparantia*, siquidem focus epilepsiæ obstructionem, vel cruditates aliquas supponat, ut si humores p.n. sint viscidi, tenaces, & peregrino acido, vel acredine simili signati, hîc attendi debêt; talia verò sunt *aperientia*, *antiscorbutica*, *anticachectica*, *hepatica* & *splenetica*, *Alia* & *♀ ea* cum primis amplectentia, singula ex suis petenda locis. Hinc epilepsia ex ventriculo, utero & reliquis visceribus dependens, foco accommodata exposcit præparantia.

*Purgantia* in debellando miasmate epileptico maximas possident dotes. & in specie infantes recens nati, (ut obiter hæc addamus) cum bene ferant purgantia, his ipsis rite adhibitis, optimè ab insultibus epilepticis præservari queunt. Eminent verò inter eadem in genere sequentia: *senna & rhabarb. Alex. belleb. nig. gialap. agar. trochisc. extr. agar. belleb. nigr. rhabarb. panchymag. Croll. resin. scammon. gialap. spec. diagalap. Myns. & dulc.* ex quibus iterum pilulæ, pulveres, potiones, adhibitis huic scopo inservientibus aliis, concinnari facilè queunt. Maximè verò *vina medicata purgantia*, aperientibus acuata, siquidem chronicum malum sit, commendantur. hæc quippe melius corpus pervadunt, & materiam intimè partibus his illis infidentem è suo loco sensim exturbant.

*Vomitiva* his subsequuntur. Epilepsia uti est *Herculeus morbus*, ita etiam vix citra *Herculeæ medicamenta curari*



rari potest. testatur namque experientia celeberrimorum virorum, epilepsiam, si valida sit, vix unquam absque purgantibus & vomitoriis repetitis perfecte tolli posse. Sic & Virgo illa nobilis ex *Ephem. Germ.* jam adducta, omnibus aliis in cassum adhibitis, unice purgantibus & vomitoriis bis in anno à *Dn. D. Wedelio* propinatis & repetitis perfecte sanabatur. Ita etiam eadem maxime conducunt, si suspicio adsit hærentis in ventriculo massæ vitiosæ recenter ingestæ. Sic referente per discursus *Dn. Doct. Præside* studiosus vino saccharato, aliisque dulcibus largiter usus, commilitonem irâ accensus invadens, Epilepsiâ correptus, pulveribus cephalicis irritò successu ab initio adhibitis, unice vomitorio hinc ab *Eodem* propinato levabatur. In hunc usum verò instar omnium commodè cedit. ♀ *Emet.* ad modum *Dn. D. Wedel.* paratus, & cum ♂ maritatus; sic etiam ad eundem finem *infusum vitri* ♂, & *croci metall.* ⊖ ⊕, & alia usitata adhibentur.

*Sudorifera* & *Bezoardica* purgato corpore sequuntur. Hæc maxime penetrant, & fermentum epilepticum in primâ quod dicitur, herbâ suffocant, sub specificis latius recensenda.

Referri huc possunt *aque thermales*, quarum usus universalibus præmissis, & purgato corpore non est de nihilo; magisque proficuae eadem fuerint, si ante earum usum *pulv. epileptici* fumantur.

Eodem nomine commendantur etiam *decocta lignorum*, impuritates supervacaneas lymphæ intimè partibus glandulosis impressas extricantes.

*Diuretica*, cum ichorescentiam lymphæ corrigant & depleant commendantur in hoc affectu, præprimis verò illa adhibenda, quæ simul ad specificorum naturam accedunt, uti sunt *succinata*, & ex ⊖ \*co parata, aliaque.

Particulares evacuationes per *sternutatoria*, *errhina* &c. usu suo non carent, si per circumstantias peculiare iis uti liceat. alias *sternutatoria* in epilepsiâ extra paroxysmum minus præscri-



scribuntur, quòd facile motum elasticum citent; quare cum his cautè mercandum.

*Alterantia specifica, seu Antepileptica* omnium maximè huc spectantia jam recensenda veniunt; quæ scilicet lympham vitiosam, hoc est, fermento acido, bilioso, acri, elastico, ichoroso, hîc, illic in corpore latente signatum, contemperant, invertunt, extirpant, dissipant, membranasque cerebri, & totum nervosum genus ἀναστυμνιδος suâ suaviter demulcent & afficiunt. Laudantur verò ex volatiliis, fixorum & mediorum classe sequentia: ~ C. C. liquor C. C. succinat. ~ Θ \* simpl. & vinos. ex eoque cum ∇ lil. convall. vinos. & modico ∅ i majoran. vel alius, paratus liquor seu emulsum cephal. D. D. Wed. ~ Θ \* ci castorin. ~ ebor. idemq; inprimis balsamicus cum ess. balsam. Peruv. cum ~ Θ \* ci vinoso paratâ factus, ∅ ∅ & ~ succin. balsam. rut. ipsaque camphora penetrantissimum medicamentum, ~ Θ Cephal. volat. D. VVedel. M. S. antepilept. cum extract. valerian. pæon. talis reddenda, elix. cephal. D. VVedel. ‡ epilept. March. specif. cephal. Croll. ‡ epilept. Quercet. ‡ epilept. nig. Satus, magist. cran. hum. smaragd. ppt. corn. alc. ppt. bezoard. Sennert. bez. ♂, ♀ & Dare, ‡ ~ at & ♂ ij, ‡ absorb. D. D. VVed. Magni etiam usûs est ‡ epilepticus trium regnorum dictus, qui euporistus est & elegantissimus, constans ex cinnab. nativ. dente hippopotami (vel hujus loco castoreo in fœminis) & antheris coryli anaticâ proportionem; hoc etiam modo ‡ gravior dispergitur & levior fit, levitasque antheræ corrigitur. Muscus crustaceus cranii humani, tantopere in Ephem. Germ. an. 2. dec. 2. obs. 53. decantatus, huc etiam referri potest. His succedunt ∇ x tum spirituosæ, tum ∇ osæ, ut ∇ epilept. Lang. pæon. cernf. nigr. flor. til. cerebr. hum. rut. volat. lil. convall. volat. & aliæ bonæ notæ. Vid. plura in hanc rem apud B. Rolfini. in ord. & meth. med. spec. comm. lib. 7. sect. 1.

*Opiata* insignem non rarò obtinent usum in epilepsiâ, siquidem vel dolores spasmos producentes urgeant, vel paroxysmorum continua vicissitudo & exhalantium humorum acrium subtilitas, vel tussis convulsiva in infantibus & aliàs, vel



diarrhœæ, similesque casus eadem indicent : miscendo scilicet dosi refractâ cum epilepticis aliis liquidâ vel solidâ formâ. vid. *Opiolog. D. Doct. Wedel. lib. 2. sect. 2. c. 2.* ubi etiam cautela circa opiatorum usum habetur, nè si natura ad exteriora contendat materiam morbificâ depellere, motu inhibito, resitante circa cor materiâ, suffocationem excitemus.

Habentur & alia hinc indè ab autoribus contra epilepsiam laudata euporista, singula ad trutinam rectæ rationis à medico revocanda. Sic experimentum, quo Fridericus IV. Elector Palatinus ab epilepsiâ à 15. ætatis suæ anno ad 26 continuante perfectè restitutus, laudatur ab *Hartmanno in Prax. chymiatr. cap. de epilepsiâ p. m. 67. & seqq.* est verò idem tale : hepata ranarum viridium eximantur, & sigillatim supra folia brassicæ capitatae ad eam partem, quâ terram respiciunt, ponenda, hinc in ollis vitreatis ad ignem lentum exsiccentur, ita ut in fgm tenuissimum teri possint, à foliis cautiùs separata. modum utendi, & plura circa experimentum hoc observanda, vid. apud *Hartm. loc. cit.*

Vulgus, velut præsens quoddam auxilium tōto die commendare solet *sanguinem decollati* calidè assumendum. Verùm, quòd vix tale auxilium indè sperari possit, comprobatum eunt tum rationes, tum exempla. Etenim sanguis decollati, simul ac extravasatus sit, archei proprii dominium exuit, fibrisque suis, quas habet, destitutus, grumescit, & ad coagulationem præsentaneam disponitur, sicque archeo alterius non respondens, ichor & putredo facile evadit; symptomata hinc horrenda nonnunquam excitans, ut febres, anxietates, ipsam epilepsiam majorem, nauseam, cardialgiam, lipothymiam, hystericas suffocationes, obstructions varias, & plura alia. exempla minùs fausto eventu summi hujus sanguinis videri pluribus possunt in *Ephem. Germ. ann. 9. & 10. Dec. 1. obs. 149.*

Si *Epilepsia* sit per consensum talis, à corde, hypochondriis, liene, utero, mesenterio, hepate; attendenda sunt remedia foco debita. Sic e. g. pro expediendo malo in utero, hypochondriis, valent *R& Cyd. Wedel. ♀ ea volatilis. elix. prop. ♂ le, ♀ ca-*



‡ *calceol.* ‡ *M.S. antiscorb. chix. merin.* ‡ *s. absorb. V. S.* debite instituta, & alia facile pro ratione partis affectæ & aliarum circumstantiarum, addenda.

*Externa* ad discussionem materiæ morbificæ & roborandum tonum partium, varia habentur.

Pro *cucuphis* commendantur *serpill. beton. rosmar. fl. lil. convall. siæch. Arab. rad. irid. Flor. Cyper. rot. rhod. succinum*, & alia ex cephalicis convenientia.

*Linimenta* naribus, temporibus, umbilico & spinæ dorsali admoventur ex balsam. ois, & bonis nervinis præced. cap. allatis.

*Emplastrum* bregmati raso appropriata possunt applicari.

*Suffimenta* oleosum, subtilem & ☐sum spirantia odorem in usu sunt. prioris generis instar omnium est *suffimentum Epilept. Myns.*: posterioris verò ~ ☉ \*ci, item ☉ \*lixivio saponariorum injectum.

*Amuleta* ad eundem modum judicanda sunt, usum aliquem in lymphæ ichore elastico, nervisque debilibus corrigendis, habentia. commendatur in hunc finem *rad. pæon.* à quibusdam: *sambuc. è salice* proveniens ab *Hartmanno in prax. chim. c. de epil. p. 69*: ab aliis *ungula alcis* in annulum formata, nè plura memoremus.

Ultimum jam est, ut *DIETÆ* regimen brevibus superaddatur:

*Aër* itaq; sit serenus, temperatus & purus; vel talis si non adsit, arte ex suffumigiis, *thur. mastich. &c.* paretur. Mutatione regionum & aëris, posse curari morbos comitiales in juvenibus, testis est *aph. 45. sect. II.* simile quid etiam præcipitur *VI. epid. V. 36.*

*Cibus* sit modicus in quantitate; in qualitate *ευχολ.* & *ευπεπ.*: condiantur probè, nec vaporosa, quæ caput replent, assumantur. hinc

*Vinum* in nimia quantitate nocet; ast modicè assumtum, si ventriculi viriumque imbecillitas idem expetere videatur, concedi potest. *Cerevisia* sit probè defœcata, nec nimio lupu-



lo condita. imò conducit in genere potus tenuis, & medicatus nervinis redditus.

*Inedia* maximè vitanda, quippe facile ex illâ vitiosi & acres geniti humores superiora irritare, & malum epilepticum producere, apti nati sunt.


*Somnus* sit moderatus, capite nonnihil elevato, nocturnus, corpore bene tecto, in lecto molli, non diurnus, nec mox à cibo. vigiliis corpus non maceretur. lucubrationes ad medias noctes proscribantur.

*Motus & exercitia corporis* itidem non excedant modum, potius ante, quàm post cibum instituenda. in illâ in specie epilepsiâ, quæ auram adscendentem agnoscit, motus corporis, ambulatio & equitatio commendantur, si modicè instituantur.

*Alvus* sit aperta, quæ muneris sui oblita arte sollicitetur.

*Venus* cùm epilepsia parva nominetur, minùs in affectu epileptico convenit, si malum sit essentialiale; ast si fiat epilepsia annis crescentibus, à semine, vel menstruis retentis, nullum præsentius auxilium igitur, adeòque conjugio habetur.

*Animi* denique *pathemata*, ira, metus, terror subitaneus, sollicitudo nimia exesse debent; contrà hilaritas & recreatio animi honesta omni studio quærenda.



Ulem docuit, multâque insignem reddidit arte  
Pregela, BOESIADEN dignis amplexibus alma  
Sala foveat. Geminâ matre hâc nutritus alumnus  
in decus emicuit Phœbi; decus arrogat ergò  
ipse &serta parat, jam fulgida purpura præstò est,  
famaque, virtutem comitans, didenda per orbem.

*Nobiliss. Dn. Doctorando Dignus! & Feliciter! acclamatio, invidendos honorum meritisissimorum successus animatus exortans*

Georg. Wolffg. Wedelius, D.  
Acad. Rector.